

Zaldibiako Udal Gestora osatu da *udala herriari itzulia* eta udaleko ateak irekiko ditugu



Urak bere onera datozela dirudi, Zaldibiko Udala kudeatuko duen gestora azkenean zaldibitarrez osatu da eta.

Aralarrek egin ez zuena azkenean Gipuzkoako Foru Aldundiak egin du, Zaldibiako Udaleko ateak ireki dizkie herritarrei.

Udal gestora osatzen dugun herritarrek ez gara hauteskudetara aurkeztu, beraz ez gara proiektu edo alderdi jakin baten ordezkariak.

Bildu gaituena, Aralarrek udalaren kudeaketa herritik atera nahi izatea izan da.

Gure ustez **Zaldibiko Udala zaldibitarren eskura** egon behar duela, **herriaren zerbitzura; horregatik eta horretarako aurkeztu gara.**

Independentistak eta ezkerrekoak gara. Hemendik aurrera Zaldibiko Udalean gauzak ongi egiten direla bermatzera gatoz.

Horretarako ezinbestekoa izango da herritarren parte hartzea. Zaldibiko Udaleko ateak parez pare irekiko ditugu, herritarrek parte har dezazuen.

2011an ospatuko diren udal hauteskundeak burutu arteko iraupena izango du gure legegaldiak, beraz urtebete inguru dugu.

Denbora gutxiegi gauza handietarako baina saiatuko gara gauzak bere lekuan jartzen.

Azkenean, Zaldibiko Udala herritarren eskuetan

Ez da lan xamurra izan baina azkenean **Zaldibiko Udalaren kudeaketa berriro herritarren eskutan izango da.**

2009ko irailaren 23an Aralar udal taldeak Gipuzkoako Diputazioaren esku utzi zuen udala eta geroztik ezinegona eta ezjakintasuna izan da nagusi.

Aralarrek egin ez bezala, Diputazioak herritarren artean udala osatzeko ateak ireki zituen eta zirrikitu horri jarraituz osatu dugu udal gestora.

Beraz, ezin esan dezakegu herriak aukeratu gaituenik ez eta udal hauteskundeetara aurkeztu garenik, ez baita horrela izan.

Udal gestora osatzen dugun herritarrak independentistak eta

*Aralarrek
ez bezala
Diputazioak
herriaren esku
utzi du
udala*

ezkerrekoak gara, baina ez gara inoren ordezkari.

Azken udal hauteskundeetan zaldibiko herritarrek emaniko hitza eta harturiko erabakia gauzatzen saiatuko gara.

Hau da: ANVek eta Aralarrek lorturiko 435 bozkak.

Aralarrek 5 zinegotzi eta alkatetza hartu zituen eta irailean, herriari bizkar eman eta udala diputazioaren esku utzi zuen.

Aldiz Ezker Abertzaleak beti erakutsi izan du udal osaketan parte hartzeko borondatea eta konpromisoa.

Hau dela eta, udaleko ateak ireki nahi dizkiegu zaldibiko herritarrek aukeraturiko Ezker Abertzaleako ordezkariari eta, nola ez, herritar guztiei.

Okerrak zuzendu eta aro berri bat ireki nahi dugu Zaldibian, udala herriaren zerbitzura jarriaz.

Udal gestora osatu duten herritarrak

Ramon NAZABAL baserritarra eta irakaslea

Aitziber IRAZUSTA langilea

Mikel LULOAGA herri mugimenduko kidea

Arantxa Aiestaran Euskara teknikaria

Daniel BELOKI langilea

Edurne SORALUZE langilea

Polo GALARRAGA langilea

Iban PAJARES langilea

Aitor GARMENDIA langilea



Bi hitzetan: haize berriak

1.go PAUSOA: **EGOERA EZAGUTU**

Zaldibiko Udalean zer egin den, zer egiten ari den eta zer dagoen egiteko jakin behar dugu lehenik.

Udal gestora osatzen dugun herritarrak ez gara politiko profesionalak, beraz jabetu behar gara sei urtean eginiko okerra ezin dela egun batetik bestera zuzendu.

Okerra diogunean, ez diogu dena gaizki egin denik baizik eta inork gutxik dakiela zer egin den eta nola. Hori da okerra, hori da zuzendu beharrekoa.

Lehen pauso honetan eman beharreko gainontzeko pausok zehaztu eta finkatuko ditugu.

Horretarako bidelagun izateko prestutasuna duen orori ateak ireki nahi dizkiogu.

“Herriko esparru bakoitzean zein behar dauden lehen eskutik jaso nahi dugu eta horren arabera ekin.”



“Udal-herri batzarraren bidez sei urtean egon den iluntasuna argitu nahi dugu”

“Zaldibiko herriarentzat garrantzitsuak diren erabakiak udal-herri batzarrean hartuko dira”

2.go PAUSOA **EGOERA JAKINARAZI eta ZER EGIN ERABAKI**

Udaleko gora beheren berri izandakoan, udal-herri batzarra antolatuko dugu.

Udal-herri batzarra deitzea ezinbestekoa delakoan gaude, udala herriaren tresna izaki, herritarren parte hartzeak oinarri izan behar duelako.

Bertan gaiez gai zer egin den, gauzak nola diren eta zein erabaki dauden hartzeko, agertuko ditugu.

3.go PAUSOA **FUNTZIONAMENDU BERRIA ADOSTU**

Udaletik esparru bakoitzean lanean diharduten pertsona zein taldeekin bilduko gara. Gazteak, kultur zein kirol elkarteak, adineko pertsonak, gurasoak, ...

Esparru bakoitzean zein behar dauden lehen eskutik jaso nahi dugu eta horren arabera ekin.

Herriarentzat behin betiko erabakiak izan litezen edo bere etorkizunari begirako garrantzia handiko diren gaiak, udal-herri batzarretan jorratuko dira.

Edozein herritarrek parte hartu ahaliko du udal-herri batzar horietan bai eta bere iritzia eman.

Udaleko ohiko ordutegiaz gain, astero bi orduz herritarren harretarako pertsona bat udaletxean egotea da gure asmoa, herritarren kezkak zuzenean jasotzeko.

Herri harresia eraiki beharra

Gazte mugimendua babesteko,
GAZTERIA AURRERA

euskal hizkuntza eta kultura babesteko,
EGUNKARIA AURRERA

Euskal Herriko eraikuntzan ari diren alkate
eta zinegotziak babesteko
BAI UDALBILTZARI

Euskal Herriko Kirolariak babesteko,
KIROLHAERIA

euskal preso eta senideak babesteko,
PRESOAK EUSKAL HERRIRA



EGUBERRI ON!

Zaldibiako udal gestora osatzen dugun herritarrok, eguberri ona opa dizuegu.

Urte berriarekin batera fundamentuz herritik eta herriarentzat lanari ekiteko asmoarekin agurtzen zaituztegu.

URTE BERRI ON!



GURE GAZTERIA GATIBU

Ez zaigu berehalakoan ahaztuko aurten-go negua. Azaroaren 24ak ez zuela argitu behar zirudien.

Gauaren iluntasunean hortzetaraino armaturiko kaputxadun gizon beltzak herriaren jaun eta jabe.

2:00etan txirrina, ate kolpeak eta ohiuak. Xumai gaztea sokaz loturik. **Lopez: "bakearen aldeko operazioa izan da."**

5:00etan argi urdinak herriko plazan. Joxepaneko ateak eutsi bazion ere, azkenean kolpe hotzek erausi zuten. Pistola eskuan, hamar gizonek bortxatu zuten Joxepane.

Dirua lapurtu zuten: pelotakoa, kamiseta, esnezalearena eta elkartasunarena.

8:00etan kolpe gogorrak behin eta berriro. Gaztetxeko atearen gazte indarra nabari da.

Ametsak errealitate egiten diren tallerra desegin nahi izan dute. Gazteriarekin amaitu nahi izan dute.

Baina gure Xumai eramanagatik, bere ametsak hemen dira eta taller asko dugu oraindik.

Babestu dezagun gure etorkizuna, babestu gure gazteria.

Abestiak dioten bezala: **lepoan hartu eta segi aurrera...**